



CAMP Svalbard



Alle Foto: Thomas Pindard

Rapport Camp Svalbard 2015

Innleiing

Camp Svalbard 2015 vart arrangert i Skansbukta, helga 28.-30. august. Det var 22 jenter og 22 gutar, totalt 44 ungdommar i alderen 13-18 år som deltok. Hovudmålet til Camp Svalbard er at ungdom busett på Svalbard skal oppleve glede og mestring i naturen, under trygge forhold og med kompetente instruktørar. Camp Svalbard Det er i år sjuande året på rad campen blir arrangert.

Forarbeid

Informasjon om campen vart sendt ut til målgruppa gjennom skulen, på Ungdomsklubben og gjennom andre ungdomskanalar. Informasjon til nye familiar gikk via skulen eller Infotorget. Påmeldinga starta før sommarferien.

Arbeid med å samle saman ressursar, både menneskelege og materielle, starta på vårparten, og heldt på heilt fram til campstart. Sikkerhetstkurs (våpen- trening) med informasjonsmøte og 1.hjelpskurs vart gjennomført for alle frivillige. Det var også eit informasjonsmøte for alle foreldre/føresette før utreise. Målet var her å sikre seg at ungdommane har med seg riktig utstyr til eige bruk.

Dagen før ungdommane kom til Skansbukta, vart det sendt ut ein «fortropp» som valte campstad, og som transporterte og klargjorde store delar av fellesutstyret. Det er mykje utstyr og mange telt som skal settast opp, arbeidet som denne fortroppen gjør, er heilt essensiell for ein vellukka ungdomscamp!



Sponsorar og samarbeidspartnarar 2015:

*Basecamp Spitsbergen *Better Moments *GK *Henningsen Transport og Guiding *IGP
 *Korkpengestøtten *Longyearbyen Lokalstyre, kultur og idrett, teknisk, brann og redning
 *Huset *Longyearbyen skole *Norsk Polarinstitutt *Pole Position Logistics *Store Norske
 Spitsbergen Kulkompani *Sysselmannen på Svalbard og redningstjenesten *Spitsbergen Travel
 *Svalbard Miljøvernfond *Svalbard Snøscooterutleie *Sjøhaug Byggservice AS *UNIS

Logistikk

Eit av delmåla til Camp Svalbard er å «*gi et lavterskeltilbud i forhold til krav til utstyr, kostnader og ferdighetsnivå hos den enkelte deltaker*». Det meste av utstyret som blir brukt for å arrangere Camp Svalbard, vert lånt av ulike foreiningar/lag eller institusjonar i Longyearbyen. Dette har ein stor økonomisk fordel, men det krev mykje logistikkarbeid i forkant og etterkant av arrangementet.

Ungdommane, dei frivillige og utstyret som ikkje vart sendt ut med fortroppen, vart transportert til Skansbukta med MS Billefjord.

Både ungdommar og vaksne overnatta i telt. Samlingspunktet for campen var eit nyinnkjøpt messetelt. Dette fungerte svært bra. Andre telt vart også sett opp: telt til isbjørnvaktene/medisinsk ansvarleg, sikkerhetsansvarleg samt tre dotelt vart sett opp i strandsona.



Sikkerhet

Ein person hadde det overordna ansvaret for sikkerheten i campen. Dette vert sett på som ei svært viktig rolle, då sikkerheita skal prioriterast først. Det var med 6 isbjørnvakter som gikk på rullerande nattevakt. I tillegg var det isbjørnvakter på alle aktivitetane på dagtid. Det var også med fire hundar, som fungerte som vakt. Brannsløkkingsapparat og branntepper vart plassert i hovudteltet.

Det vart teikna ei skade-/uføreforsikring på deltakarane knytt til Camp Svalbard. Laurdag morgon var det fleire ungdommar og eit par frivillige som vart sjuke med dårlig mage. Det vart satt i gong fleire tiltak for å redusere smitta, samt å ta hand om dei sjuke. Tiltaka som vart verksett, fungerte. Når vi får uønska hendingar, i dette tilfellet smitte/diaré, er det godt å ha eit resurssterkt apparat rundt til å ta dei rette avgjerslene til riktig tid. Vi merka at det var svært viktig med medisinsk personell. Det er vanskelig å sei kva som var smittekjelda. Heldigvis gikk det raskt over. Totalt var det 10stk som vart dårlege.

Mat

Måltidet er ein viktig del når ein er ute og i aktivitet heile dagen, og det vert lagt vekt på at maten skal vere sunn, næringsrik og god. Det var to matansvarlege på campen, som fikk hjelp av andre vaksne ved behov. Det vart servert havregraut og brødmatt til frukost, brødmatt til neste og eit varmt måltid til middag. Frukt og grønnsaker var tilgjengelege i matteltet heile helga. Longyearbyen Jeger- og Fiskerforening (LJFF) stilte med reinsryd som vart grilla den eine dagen.

Program

Eitt av hovudmåla til Camp Svalbard er: «*Camp Svalbard skal være et annerledes og rusfritt møtested hvor det er tilrettelagt for glede og mestringsopplevelser i naturen under trygge forhold.*» Det vart lagt opp til eit program med mest mogeleg varierte aktivitetar, leia av instruktørar og gruppeleiarar. Ein anna viktig del av Camp Svalbard er målet om at frivillige lag og foreningar skal vere tette samarbeidspartnarar, slik at dei kan få moglegheita for å synleggjere eigne aktivitetar.

Av hovudaktivitetar var det introkurs i kajakk med Seilforeningen og UNGE ledere (Padeleforbundet), historisk vandring og geocaching med Svalbard Museum og Røde Kors samt båltenning i fjæra og salongrifleskyting med Longyearbyen Jeger og Fisk.

Fredag kveld var det fem ulike valfrie aktivitetar: brulaging, fotokurs, salongrifleskyting og lemfellelaging samt sjongleringskurs. Laurdag føremiddag kom Sysselmannen og redningstjenesten på besøk, og hadde ein «case» som skulle løysast. Laurdag kveld var det også valfrie aktivitetar, desse var: reinsdyrsjakt, fotokurs, kajakkstur og tur til juvet. Andre aktivitetar i løpet av helga var bading (dei 20 første som bade fikk eit Camp Svalbard hadkle) og «camp challenge».

I tillegg til det oppsette programmet, er ein viktig del av det å vere på friluftslivcamp å bli kjent med kvarandre, å dele telt med fleire og anna leik og moro.

Det har vore gode tilbakemeldingar frå ungdommane på aktivitetane, og på Camp Svalbard som arrangement. 22 av dei 38 som svarte på evalueringa kunne tenke seg å vere med på Camp Svalbard 2016.



Frivillige vaksne

Dei frivillige vaksne som er med på Camp Svalbard er heilt essensielle for at helga vert vellukka. Det vert aktivt jobba med å få tak i ressurssterke vaksne som er flinke i sine roller i campen, samtidig som dei kan vere gode rollemodellar for ungdomsgruppa.

Det var totalt 31 vaksne som deltok på campen, der 28 av desse var frivillige. Rollefordelinga var som følger: 3stk i styregruppa (campkoordinator, utstyr/logistikkansvarleg og sikkerhetsansvarleg), 8 gruppeleiarar, 2 matansvarlege, 1 medisins ansvarleg, 5 isbjørnvakter, 15 instruktørar frå lag/foreiningar.

Fotoutstilling

I samarbeid med Longyearbyen Fotoklubb, KunstPause2015 og Longyearbyen Folkebibliotek blir det en utstilling med fotobidrag frå deltakarane. Utstillinga vert å sjå å biblioteket i november.

Konklusjon

Camp Svalbard 2015 vart eit vellukka arrangement! Dette skuldast motivert og engasjert ungdom og frivillige, samt god planlegging i førevegen av camphelga. Det var gode tilbakemeldingar frå ungdommane sjølve, dei frivillige og føresette. Logistikkmessig var det positivt å arrangere campen i Skansbukta, og Camp Svalbard 2016 vil også bli lagt hit.



Tilbakemeldingar frå deltakarane:

- «**Liker konseptet, at ungdom samles i naturen**»
- «**Noe av det beste arrangementet jeg har vært på**»
- «**Kommer mye nærmere hverandre**»
- «**Tusen takk for en hyggelig camp**»